



Broj: 01/3-50-1-29-14/04
Sarajevo, 21. septembra/rujna 2004. godine

Z A P I S N I K
sa 14. sjednice Komisije za vanjsku trgovinu i carine
Predstavničkog doma Parlamentarne skupštine BiH,
održane 21. septembra/ rujna 2004. godine

Sjednica je počela u 11:00 sati.

Sjednicom je predsjedavao Petar Kunić, predsjedavajući Komisije.

Sjednici su prisustvovali: Fatima Leho, Marija Perkanović, Filip Andrić i Mladen Potočnik.

Opravdano odsustvovali: Izet Hadžić, Azra Hadžiahmetović, Nikola Kragulj i Ibrahim Đedović.

Sjednici su prisustvovali ispred predlagača i obrađivača zakona: Miroljub Krunić, pomoćnik ministra Ministarstva finansija i trezora, Biljana Tabaković, шеф Одјелјенја - Одсјека за односе с домаћим финансијским институцијама, Lamija Kozarić, generalni direktor Agencije za izdavanje garancija od političkog i ratnog rizika i Emira Čewljar sekretar Komisije.

Za sjednicu Komisije je predložen i jednoglasno usvojen sljedeći

D N E V N I R E D

1. Usvajanje Zapisnika sa 13. sjednice Komisije
2. Razmatranje Prijedlog zakona o osnivanju Izvozno-kreditne agancije Bosne i Hercegovini, predlagač Vijeće ministara Bosne i Hercegovine
3. Tekuća pitanja.

Ad-1

Zapisnik 13. sjednice Komisije usvojen je jednoglasno bez primjedbi.

Ad-2

Prijedlog zakona o osnivanju Izvozno-kreditne agencije Bosne i Hercegovine

Prijedlog zakona o osnivanju Izvozno-kreditne agencije Bosne i Hercegovine (u daljem tekstu: IGA) uputio je 27. jula 2004. godine Savjet ministara Bosne i Hercegovine u parlamentarnu proceduru sa prijedlogom da se Zakon razmatra po hitnom postupku u skladu sa članom 104. Poslovnika Predstavničkog doma.

Ustavno-pravna komisija Predstavničkog doma na 33. sjednici održanoj 2. avgusta 2004. razmatrala je Prijedlog zakona o osnivanju Izvozno-kreditne agencije Bosne i Hercegovine i utvrdila da postoji valjan ustavno-pravni osnov sadržan u členu III1.b) i členu IV 4. a) Ustava Bosne i Hercegovine za donošenje navedanog Zakona i da se ponuđeni tekst Zakona o osnivanju Izvozno-kreditne agencije Bosne i Hercegovine može uputiti u dalju proceduru nadležnoj komisiji.

Predstavnički dom na 43. sjednici održanoj 7. septembra 2004. godine razmatrao je i prihvatio zahtjev predlagača da se Prijedlog zakona o osnivanju Izvozno-kreditne agencije Bosne i Hercegovine razmatra po hitnom postupku u skladu s članom 104. Poslovnika.

Predstavnik predlagača Zakona istakao je da će Izvozno-kreditna agencija na nivou BiH, kao agencija, u svojstvu samostalnog privrednog subjekta neometano obavljati aktivnosti u cijeloj BiH i transformisati se u samoodrživu izvozno-kreditnu agenciju. Cilj joj je da obezbijedi uslove za podsticaj izvoza robe i usluga iz BiH kroz svoju djelatnost i da omogući razvoj i promociju ekonomskih odnosa BiH s inozemstvom.

Postupak u Komisiji počeo je opštom raspravom.

U raspravi su učestvovali: petar Kunić, Mladen Potočnik, Petar Kunić, Fatima Leho i Filip Andrić.

Mladen Potočnik je istakao da je Izvozno-kreditna agencija države jedna od ključnih elemenata za podsticaj izvoza i ona mora biti menadžentska prema izvoznim preduzećima.

Petar Kunić imao je načelne primjedbe na sljedeće:

Odredbe član 4 stava 4. smatra kontradiktornim, iz razloga što se na zaposlene treba primjenjivati Zakon o državnoj službi u institucijama Bosne i Hercegovine;

U členu 10. stav 7. također trebaju se primjenjivati odredbe Zakona o sukobu interesa u institucijama vlasti Bosne i Hercegovine;

U členu 13. nije regulisano ko daje saglasnost na Statut Agencije, iako je to pitanje regulisano kroz mehanizme Upravnog odbora;

U členu 17. stav 2. e) smatra da treba regulisati ko daje saglasnost na stručnu kvalifikaciju osoblja Agencije.

Fatima Leho imala je primjedbu na formulaciju imuniteta, i istakla da je u členu 7. stav 2. druga rečenica neprecizno formulisana i treba pojasniti koja su to "teža krivična djela". Također je imala primjedbe na odredbe koje regulišu finansijsko poslovanje IGE i predložila je da se Agencija treba uključiti u Bužet institucija BiH, što su podržali i ostali učesnici u raspravi.

Postavila je pitanja predstavniku obrađivača Zakona koja se odnose na: godinu osnivanja IGE; način registriranja; ko je imenovao Upravni odbor; iz kojih sredstva se finansira; koliki je iznos dobiti; kod koje banke ima otvoren račun; koliko je ratne štete do sada isplaćeno; koliko je zaposlenih i koja je struktura zaposlenih.

Mladen Potočnik je također postavio sljedeća pitanja: Kako sredstva kredita angažovati? Kako se vrši plasiranje usluga u BiH i na koji način? Koliko iznose troškovi poslovanja Agencije godišnje?

Na postavljena pitanja odgovore je dala Lamija Kozarić, generalni direktor Agencije.

Komisija jednoglasno je **z a k l j u č i l a**:

1. da od predlagača Zakona zatraži dostavljanje dodatnih informacije na osnovu postavljenih pitanja i zadužila članove Komisije, Fatimu Leho i Mladena Potočnika da, u saradnji s predlagačem Zakona, do naredne sjednice Komisije preciziraju određene dileme i nejasnoće u formulaciji (i po potrebi, eventualno predlaganjem amandmana) odredbi u tekstu Zakona na koje je ukazano u raspravi.

2. na osnovu člana 84. stav 2. Poslovnika Predstavničkog doma zatražiti odobrenje od Kolegija produženje roka za komisijsku fazu od 15 dana . Za razlog produženja roka navesti zaključak pod začkom 1., kao i veći broj amandmana predložen pred početak sjednice.

Komisija je nakon obavljene opšte rasprave i načelne rasprave o pojedinostima jednoglasno podržala principe predloženog Zakona.

Ad-3.

Pod tačkom razno ponovno je razmatran **Prijedloga zakona o izmjenama i dopunama Zakona o Vanjskotrgovinskoj komori Bosne i Hercegovine, predlagača poslanika Momčila Novakovića** na osnovu Zaključku sa 13. sjednice Komisije

Predstavnički dom na 42. sjednici razmatrao je Prijedlog zakona o izmjenama i dopunama Zakona o Spoljnotrgovinskoj komori Bosne i Hercegovine sa Izvještajem Komisije. Prilikom glasanja Zakon u oba kruga nije dobio entitetsku većinu, radi čega je konstatovano da izvještaj Komisije nije usvojen, te je Dom zaključkom ponovo obavezao Komisiju da do naredne sjednice Predstavničkog doma, na osnovu novih smjernica, dostavi novi izvještaj o navedenom Zakonu.

Postupajući po Zaključku Doma Komisija je na 13. sjednici održanoj 1. septembra 2004. godine razmatrala Zakon.

Postupak u Komisiji ponovo je počeo općom raspravom.

Nakon provedene opšte rasprave o Zakonu Komisija je zaključila da ostaju pri ranije prijedlogu navedenom u Izvještaju Komisije kada većinom glasova nisu podržani principi Zakona. Također je zaključeno da predlagač Zakona o izmjenama i dopunama Zakona o Vanjskotrgovinskoj komori Bosne i Hercegovine Komisiji, najkasnije do naredne sjednice, dostavi informacije ukoliko je u međuvremenu u okviru komora entiteta postignut dogovor u pravcu omjera i načina naplate članarine shodno odredbama člana 22. Zakona.

Konstatovano je da predlagač Zakona do početka 14. sjednice, o čemu je blagovremeno obavješten, nije postupio po zaključku Komisije.

Postupak u Komisiji počeo je opštom raspravom. Ponovo je konstatovano da principi samostalnosti pravnog lica i zakonitosti do sada nisu ispunjeni za predložene izmjene i dopune člana 22. Zakona i da na predloženi tekst Zakona nije bilo amandmana.

Nakon opšte rasprave glasalo se o principima Prijedlog zakona o izmjenama i dopunama Zakona o Vanjskotrgovinskoj komori Bosne i Hercegovine, predlagača poslanika Momčila Novakovića koje Komisija sa 1 glasom «za» i 3 glasa»protiv» nije podržala.

Sjednica je završena u 12:45.

Sekretar Komisije
Emira Češljar

Predsjedavajući Komisije
dr. Petar Kunić